

Бірлестікке – 10 жыл

Институт ішінен құрылған М.Дулатұлы атындағы әдеби-мәдени бірлестік өзінің 10 жылдық мерейтойын атап өтті.

Осынша уақыт ішінде поэзия, публицистика, театр, айтыс, дебат, жайдарман саласында көптеген жетістіктерге жеткен бірлестік мүшелері оқу ордасының ғана мақтанышы емес, тұтас аймақтың намысын қорғап жүрген өнерпаздар шоғыры. Олар жайлы институт ректоры Сейітбек Қуанышбаев та, бірлестік жетекшісі, айтыс ақтангері Айбек Қалиев те аса бір ризашылықпен айтады.

Өнер ордасының



институт сахнасында өткізген іс-шаралары осы он жылдық ішіндегі атқарған жұмыстардың есеп беруі іспетті болды. Бұрынғы түлектер мен бүгінгі өнерпаздардың мың

бұралған биі мен мың бір арман ән әуезі, айтыс тамашасы мен көркем сөз күдіреті, жан жадыратқан жайдарман әзілдері 10 жылдыққа арналған кештің көркін келтірді.

Кеш барысында бірлестік құрамындағы жастардың шығармашылығын қамтитын "Балауса жырлар" атты жыр жинағының 4-ші кітабының тұсаукесері өткені де

мұндағы жас каламгерлердің үнемі ізденісте жүргендігін, өнер ордасының өмірі әлі де қызу жүріп жатқанын айқындай түскендей.

Арқалық қаласы.